

سنه لکی در سعادت ایچون مجیدیه
بکرمی فروش حسابیه التمش
غروشدر

طشره ایچون پوسته اجرتی اوله ورق
اون بش فروش ضم اولنور

نسخه سی ۴۰ پاره در

تجارتی

آبونه اولق ایستینلردا اثره عدلیه ده
اداره مخصوصه سنه مراجعت
ایتملدر

اعلاناتک بهرندن بر مجیدیه اخذ
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه به متعلقدر

تجارت

اولونیه قضاسی بدایت محکمه سی ریاستی تکوش
قضاسی نائب و بدایت محکمه سی رئیس اول سابق
بهجت افندی به

اولونیه قضاسی بدایت محکمه سی مدعی عمومی
معاونلکی مدلی سنجایی بدایت محکمه سی مستنطق
حسین فهمی افندی به تفویض بیورلش و مومی
الیهامان حسین فهمی افندی ذاتاً محلف اولدینی کی
بهجت افندینک ده « ذات شوکتسمات حضرت
خلافتناهی به ودولت علیه لینه صادقانه حسن ایفای
خدمت ایده جکته و خلاف ناموس و صداقت و مغایر
عدالت احوال و حرکاتی ده ارتکاب الیمیه جکته » دایر
امر تحلیفی اجرا قلمشدر .

چوروم سنجایی بدایت محکمه سی اعضاسندن
عزتو حسن افندی به ترفیعاً رتبه ثانیه صنف متمیزی
توجیه بیورلشدر .

تجارت و تحولات

[سنیچه سنجایی بدایت محکمه سی اعضا لینه :]
محکمه مذکوره باش کاتبی داود افندی
ترغویشته مجلس اداره سی اعضاسندن مصطفی افندی
پرشته سنجایی بدایت محکمه سی اعضاسندن
قسطنطی غالیو افندی

محکمه مذکوره اعضاسندن مانو فلیپ افندی
[اقوه قضاسی بدایت محکمه سی اعضا لینه :]
سنیچه سنجایی بدایت محکمه سی اعضا ملازمی
محمد افندی

محکمه مذکوره اعضاسندن نیقو افندی
[یکی واروش قضاسی بدایت محکمه سی اعضا لینه :]
سنیچه سنجایی بدایت محکمه سی اعضاسندن
مرآت افندی

محکمه مذکوره اعضاسندن سیمون افندی

[قولاشین قضاسی بدایت محکمه سی اعضا لینه :]
یکی بازار قضاسی بدایت محکمه سی کتابتسندن
منفصل احمد اسعد افندی
برانه اهالیسندن اورو اورجوویچ افندی تعیین
اولنورق مومی الیهامک برمنوال محرر اجرای تحلیقلری
محلیرینه تبلیغ و انبا قلمشدر .

تبلیغات

عدلیه نظارت مبلدسندن محاکم استینافیه مدعی عموم-
میلرینه نظیر اولنامه ایکی قطعه خبرات عمومی صوریدر :
بعض قضائر مستنطق و معاونلری و سائر ضابطه
عدلیه مأمورلری طرفلرندن جرائمک اسباب و دلائلی
تعریفات قانونیه وجهله مکملات تحقیق و ضبط و محال
جرائم کشف ایدلیسه رک اوراق تحقیقیه سطحی بر
صورته تنظیم و حتی بعض شاهدلرک جلبلرندن بیله
صرف نظر اولندینی و بعض بدایت محکمه لرنبجه دخی
جرائمک ماهیت و اسباب و دلائلی محاکمه تحقیق
و شهود جلب و استماع و اخبارلری یولبله ضبط و اساس
ژورنالی بیله قرائت اولندن نقصان معاملات ایله
یکیشدیرلدیکی و حتی شهودک جلبندن بلا سبب ضروری
صرف نظرله افاده لرینک قرائتیه اکتفا اولندینی
نظارتیه وارد اولان بعض اوراق مندرجاتسندن
آکلا شلمقده در .

کرچه شو یولسز معاملاتک اصلاحی امرنده
لازم کلان و سائط قانونیه به مراجعت اولنیور
ایسه ده بونک بویله دوامی ده تجویز اولنمه میه جفته
و ضابطه عدلیه مأمورلری ایله مستنطق لریک امور
مأموره لرنبجه تکسلا لری و قوعنده استیناف مدعی
عمومیلکنجه کندیلرینه اخطارات اجرا سیله عند
التکرر محکمه به مراجعت اولنورق حقلرنده ایجاب
حاکم ایفا اولنجه جی اصول محاکمات جزائییه قانوننک
ایکی یوز قرق برنجی ماده سیله مواد متعاقبه سنده
مسطور اولوب محاکمندن صادر اولان یولسز حرکات
دخی فاعللری حقلنده نظارتیه معامله اجرا سنی

استلزام ایده جکته مبنی بعدازین اوله احوال و قوعنده
صور محرره و جهله معامله اجرا و کیفیتک صور
و اسبابیه برابر نظارتیه انباسی ضمننده لازم کلنره
تبلیغ ایدلمک اوزره اشبو تحریراتک نسخ مطبوعه
کافیه سی لفا تسیار قلندی .

قضالرده مدعی عمومی معاونلکی و کالتیه مکلف
اولان پولیس قومیسرلری ایله ضابطه مأمورلرینک
تحویللری و قوعه کلدجک زدرلرنده بولسان اوراق
عدلیه بی راست کلدکاری نفر و یا بلوک امینلرینه تسلیم
ایتدکاری و بوحال ایسه یک چوق اوراقک ضیاعنه
باعث اولدینی ارضروم و سیواس و لایتلری عدلیه
مفتش لکندن بیلدیرلش و بوعالک حقوق عمومی
دعویسی ایله اعلامات جزائییه حقلنده کی تأثیراتی
محتاج ایضاح کوریله ماش اولمقین قضالرده مدعی
عمومی معاونلکی وظیفه سیله مکلف مأمورینک تبدیل
و تحویللری و قوعی تقدیرنده زدرلرنده کی اوراق
عدلیه نک دور و تسلیم دفترینی تنظیم و بر صورت
مصدق سنی رؤسای عدلیه به رسماً تودیع ایتدجک
انفکاک و حرکتلرینه مساعده اولناماسی ضمننده اشبو
تحریراتک نسخ مطبوعه کافیه سی ایجاب ایدنلره تبلیغ
ایدلمک اوزره لفا تسیار قلندی .

محاکمات و مقدمات

حاجی عثمان بن حسنی قتل ایدلیکی ادعا قلمسندن
طولانی جنایتله اتهام اولنان ملا قاسم اوغلی طورسونک
اون بش سنه مدته کورکه قونلسمه دایر اذمید سنجایی
بدایت محکمه سی جزا دایره سندن ویریلان یوز التمش
نومرولی اعلام

کر بلانک عباسیه محله سی اهالیسندن عثمان وسید
مهدی افندیلرک خانلرینه دیوار آشمق صورتیه
بالدخول سر قه تصدی ایدلیکی ادعا قلمسندن طولانی
جنایتله اتهام اولنان محمد تقی بن محمدک اوچ سنه
مدته کورکه قونلسمه دایر کر بلا سنجایی بدایت

محکمه سی جزا دائره سندن ویریلان التمش بر نومرولی اعلام

بهلسته قریه لی رجب بن آیدینک ماده قتلندن طولانی جنایتله اتهام اولنان قریه مذکورلی صالحو مانوره نک اون بش سنه مدته کورکه قولنسه دایر کورنجه سنجای بدایت محکمه سی جزا دائره سندن ویریلان ایکویز سکسان سکز نومرولی اعلام

اسکی ازمیره ارنسود چوبان مصطفای قتل ایلدیکی ادما قلنم سندن طولانی جنایتله اتهام اولنان محمد بن قره محمودک اون بش سنه مدته کورکه قولنسه دایر آیدین ولایتی استیفاف محکمه سی جزا دائره سندن ویریلان درتیوز اون طقوز نومرولی اعلام

رایبه قضاسنک هر مک قریه سی اهالی سندن شیخ احمد ورفیق حسن بن احمدک قطع طریق صورتیه اشیا وموایشی اخذ وغصب ایتملرندن طولانی جنایتله اتهام اولنان سریشاح قریه لی احمد بن عمر وخضر بن عمرک اوچر سنه مدته کورکه قولنلریه دایر کورک سنجای بدایت محکمه سی جزا دائره سندن ویریلان ایکویز ایکی نومرولی اعلام

ملاطیه لی آراکل ورفقاسنک دکالریه ناختر تقلید ایدرک سرتقه جرأت ایلدیکی ادعاسندن طولانی جنایتله اتهام اولنان کوشکر لئون ولد سحاقک صغر سنی حسدیه بر سنه حبسه ویش سنه ضابطه نظارتی آلتده بولندیرلمسنه دایر ملاطیه سنجای بدایت محکمه سی جزا دائره سندن ایکنجی دفعه اوله رق اعطا قلنان یوز اوتوز آتی نومرولی اعلام

پشاق قضاسنک قورچ قریه سندن عثمان بن ذکر بانک ماده قتلندن طولانی جنایتله اتهام اولنان قریه مذکورلی زینل بن رجبک اون بش سنه مدته کورکه قولنسه دایر دراج سنجای بدایت محکمه سی جزا دائره سندن ویریلان الی سکز نومرولی اعلام

طاش کوری ناحیه سنک طوراقی دیواننک آتشی قریه سندن مصدق اوغلی ابراهیم اغانک قیوسی قیره رق و دیواری دله رک مسلحاً آغیلنه بال دخول چوبان احمدی ضرب و جرح و نقد موجودی اخذ وغصب ایتملرندن طولانی جنایتله اتهام اولنان شیه نک دکرمان قریه سندن ایلا اولدنیقوله وخرستو ولد یورکی و یورکی ولد نیقولانک اون بشر سنه مدته کورکه قولنلریه دایر در سعادت جنایت محکمه سندن ویریلان یوزیمش ایکی نومرولی اعلام محکمه تمیز جزا دائره سنجه تصدیق اولمشدر .

در سعادت جنایت محکمه سندن تنظیم واعطا قلنان اعلامدر :

بیک اوچبوز اون سکز سنه سی کانون نایسنک اون ایکنجی کیجه سی قرتال قضاسنه مضاف یقه جق قریه سی سکنه سندن قره مانلی قدیر اوغلی قبودان اسماعیلک کیفیت جرح و قتلندن دولانی مظنون علیه اولان قریه مذکورده اقامته بانجبلق ایتدیکی سولیان یکر می باشنده جلال الدین بن امینک جنایتله اتهامه دایر هیئت اتهامیه دن تنظیم قلنان مضبطه ایله استیفاف مدعی عمومیلکک ۱۴ مایس سنه ۳۱۹ تاریخ یوز اون الی نومرولی اتهامنامه سی اوراق متفرعه سیله معاً محکمه جنایتیه تودیع قلنمه له بالمطالع قضیاتی اولیاده طوتیلان ضبطنامه دن مستبان اوله جتی اوزده اصول محاکمات جزایه قانونک باب نایسنک فصل رابعده محرر اولان معاملات ابتداییه بعد الایفا اوچبوز اون طقوز سنه سی مایسنک یکر می طقوزنجی کونی متهم علی الاصول توقیفخانه دن کتوردیله رک وکیلی محمود ماهر افندی ومدعی عمومی معاونلرندن عزتلو ادهم بک حاضر اولدقوری حالد محاکمه علیه اجرا سنه بالابتدار متهم ایله وکیلنه اخطارات قانونیه ایفا قلندقدن صکره هیئت اتهامیه مضبطه سیله اتهامنامه ضبط کاتی صبحی بک طرفندن قرائت اولندی .

مذکور مضبطه ده مظنون علیه جلال الدینک بالمازعه قبودان اسماعیل جرح و قتل ایلدیکی حقدده اوراق تحقیقه ده محرر کندوسنک صورت افاده سی ومحل منازعه ده بولنانلرک اخباری ومعاینه راپوری مندرجاتی اتهامه کافی کورلمش وحرکتی قانون جزایک یوزیمش دردنجی ماده سی حکمنی مستلزم افعال جنایتیه دن بولنش اولدیغندن جنایتله اتهامه قرار ویرلیدیکی محرر واتهامنامه ده دخی مرقوم جلال الدین مذکور قتل جنایتک من غیر تعمد فاعلی بولنش اولغله اتهام ایلدیکی مسطر در .

اتهامنامه نک خلاصه سی جانب ریاستندن متهم مرقومه تفهیم وتوضیح ومعاون مومی الیه طرفندن ده دعوانک تشریح اولنسنی معقب مرقوم سولندیرلکده فعل جرح و قتل جرأتی انکار و عند الاستیضاح وقعه زمانی مقتول اسماعیل ایله منازعه ایدرک مرقوم مک بوغازینه صادلسی اوزرینه ایکی توقات اولدیغنی و اوصره ده مرقوم بلندکی بیجاقله کندو کندوسنی اورمش اوله جتی تذکار ایلدی .

بولک اوزرینه ۱۱ کانون ثانی سنه ۳۱۸ تاریخلی ضبط ورقه سی ایله مقتولک معاینه سنی حاوی طیب راپوری اوقوتدیرلدی .

ضبط ورقه سنده کانون ناینک اون ایکنجی بازار

کیجه سی ساعت ایکی بیجی راده لرنده قرتال قضاسنه ملحق یقه جق قریه سنده قیرمان اوغلی اسماعیل بن قدیرک توتون قیاجیسی جلال الدین طرفندن جرح اولدیغنی خبر ویرلسی اوزرینه درحال محل وقعه یه کیدیه رک مجروح مرقومک صالح اوغلی ادهمک قهوه خانه سنده بیکه اوزرنده یاندینی کورلمکه استعجاب اولندقدده مرقوم جلال الدین اوتکه بیکنه توكور مکده اولدیغندن نه ایچون توكور یورسک! دیمی عقبنده کندوسنه برتوقات اولدیغندن بالمقابله کندو سی ده مرقومه برتوقات اورمسبله کندوسنی جرح ایتدیکی افاده الحکمه اجرا قلنان تحقیقاندن مرقوماندن جلال الدین قهوه خانه یه کله رک اسماعیلک یانه اوطوروب مرقوم اسماعیلک سیغاره یاه جتی صره ده جلال طبقه سی آلتی اوزره ایکن کیرو چکدکدن وبو حال اوچ درت دفعه تکرر ایتدکدن ومرقوم اسماعیله توكور دکن صکره جرحه قیام ایتدیکنک اکلاشلدیغنی مذکور وراپورده دخی مرقوم اسماعیلک تخمیناً اون بش ساتیمتر و طول وایکی ساتیمتر عرضده بریجاقله حاصل بطنک ناحیه سرویه سنده سره نک ایکی ساتیمتر و ووحشی ایسر وجزئی فوئده ایکی شفه برندی حاوی بریجی ساتیمتر و عرضده انسیدن ووحشی یه وعالیدن اسفله ناظر وجوف بطنه نافذ جرحه بولندیغنی وبوجرحه دن جوف بطنه مقدار کلی حصوله کش اولان ترف داخلی والتیاب ریطون مشاهده قلنهرق وفاتی اثر جرح اولدیغنی مسطور در . نه دیه جکی متهم جلالدن صورلدقدده ابتدا مرقوم کندی بوغازینه صارلمسبله بالکز توقاتله اولدیغنی سرد ایتدی .

مدعی عمومیلک طرفندن معطی شهود بوصله سنده اسماعیلی محرر اولوب دعوت واقعه ایله اتباعاً ورود ایتدکری خبر ویریلان شاهدر بکان بکان حضور محکمه یه بیجاقله رق عندالسؤال طرفینه برکونه قرابت وخصومت ومناسبتلری اولدیغنی اکلاشلقدن واصلی دائره سنده تحلیقلری اجرا قلندقدن صکره منفرداً ومواجهه استماع اولندقلرنده بولندن یقه جق قریه سنده مقیم اون یدی باشنده ابراهیم بن خالد افاده مضبوطه سی وجهله وقعه کیجه سی ادهمک قهوه خانه سنده اوطورمقدمه ایکن یان یانه اوطورمقدمه اولان مقتول اسماعیل ایله جلال بردنیه یکدیگرینه توقاتله اورمغه باشلا دقلمنی وبوصره ده کندوسی طیشارویه چیقوب آرقه سنه باقدیغنده مرقوم اسماعیلک اللریله کوبکنی طوته رق اوونمقدمه اولدیغنی کوردیکی بیسان و عندالاستیضاح مرقومانک هیچ برسنده بیجاقل کورمدیکی کجی جلال الدینک دخی قهوه خانه دن نه وقت طیشاری چیقدیغنی فرقدده اولدیغنی ویدیکی جلالک

حضور محکمه ده کی متهم ایدوکنی اتیان ایلدی . متهم جلال الدین شاهد مرقوم طوغری سو . یلدیکنندن برده جکی اولدیغنی سرد ایتدی . (مابعدی کله جک نسخه یه)

کمرک محافظه مأمورلرندن بشارک اجرای وظیفه حالنده پولیس مصطفی نوری وعثمان اقدیلره تشهیر سلاح ایلدیکی ثابت اولدیغندن آلتی آی حبسه طلومه جی محمدک حسنه اطاله لسان ایلدیکی ثابت اولدیغندن یارم لیرا جزای نقدی اخذینه یکدیگرینی ضرب ایدن ضاوانک اون بش کون حبسه و ابراهیمدن برلیرا آلهرق صاوایه ویرلمسه صلاح الدین افندیکنک شوکت افندی نی ضرب ایتدیکی ثابت اولدیغندن اون کون حبسه احمدک عثمان افندی نی ضرب ایلدیکی ثابت اولدیغندن برهفته حبسه

مصطفی ومحمدک یکدیگرینی ضرب ایلدکری ثابت اولدیغندن برهفته حبسلریه آراهجی علی نی ضرب ایدن بکر صدق افندی برلیرا آلهرق مضروب ویرلمسه

یونان دولتی تبعه سندن دیمتری نی ضرب ایدن کورچی احمد افندی دن برلیرا آلهرق مضروب اعطاسنه

قهوه جی یورکینک فنجانلری قیرمق صورتیه امواله ایراث خسار ایدن چنکل کوبنده ساکن لاریه جی تانار میجو ایله طلومه رئیس آریستودن اوزر بشلک جزای نقدی اخذینه وخسار بدلک تضمینه

خلاف ممنوعیت پیافو کشیده ایتدیکی وطناشی نی ضرب ایلدیکی ثابت اولان دولکر پشائی نام دیگر پانده لیک اون کون حبسه

یاندلی نام چوجنک مجروحیتیه سبیت ویرن بارکیر سورجیسی علینک برهفته حبسنه ویوزغروش مصارف جراحیه نک تحصیلنه

نسیمی ضرب ایدن اسکدارده احسانیه محله سنده ساکن طلحه دن برلیرا آلهرق مضروب اعطاسنه آراهجی یواش محمدی ضرب ایدن قو آغاسنده ساکن قرین آبادی محمدک برهفته حبسنه

قهوه جی نوری یه اطاله لسان ایدن سلیمیه لی نوری بکدن یارم لیرا جزای نقدی اخذینه طبله کار علی نی ضرب ایدن صله جق اسکله سی صنداجیلرندن محمد ومصطفی اغلرک برهفته حبسلریه طوبال حیدر ایله حافظ سعید افندیکنک یکدیگر- نی ضرب ایلدکری ثابت اولدیغندن حیدرک یکر می

کون وحافظ سعید افندیکنک برهفته مدتلره حبسلریه فیروزه خانمه صارقندیلق ایلدیکی ثابت اولان طورنجه مصطفی افندیکنک ایک آی حبسه واریناق افندیکنک کوشندن معمول قیرباجنی سرفت ایدن محمدک آلتی آی حبسه داویدی ضرب ایدن لیوننجی استاورینک برهفته حبسنه دیوارچی فوطینک بانجیوه سنه حق دخولی اولدیغنی حالده کیرن عباچی دده زقاغنده ساکن قوندیره جی علیدن آلتی بشلک جزای نقدی آلمسنه ویکرمی درت ساعت حبسنه

چوبان آپوستولی ضرب ایدن بیوک چاملیجده ساکن چوبان راشدک برهفته حبسنه

پولیس قومیسری نافع افندی ایله ژاندارمه افراندن حسن اغانی اجرای وظیفه حالنده تحقیر ایدن صاری یارده ساکن دولکر اوخانسک برهفته حبسنه زوجیه سی خدیجه خانونی ضرب ایدن بقال محمد اغادن برلیرا آلهرق مضروبیه اعطاسنه

یناشمه احمد بن مصطفای ضرب ایدن باغلر باشنده ساکن آراهجی احمد بن علینک اون کون حبسنه

یکدیگرینی ضرب ایدن واپور آتشیجیسی لازارینک اون کون ویلفورک برهفته حبسلریه

ذهدی ایله دیمتری نی ضرب و جرح ایدن قاضی قریه سنده ساکن تیورچی روسیه لی استراطینک اون کون حبسنه

انسطاشک اموال منقوله سنه ایراث خسار ایدن چنکل کوبنده ساکن جورجی ویا تقو وخرستودن التمش غروش ضرر وزیران واوزر بشلک ده جزای نقدی اخذینه

عمر افندی یه اطاله لسان ایدن یورغانچی رضا افندی دن یارم لیرا جزای نقدی اخذینه

خفاف اصنافدن محمودی ضرب ایدن شکریدن برلیرا آلهرق مضروبیه اعطاسنه

یکدیگرینه اطاله لسان ایلدکری ثابت اولان قوله جی قارینک ایله باروناقدن برلیرا جزای نقدی اخذینه

آغلیانی ضرب ایدن یکیشهرده ساکن زنوبک برهفته حبسنه

زوجیه سیله بالقجی مانولی ضرب ایدن صاری یارده ساکن بترونک اون بش کون حبسنه

کبابچی فله لی محمدک اولتجی حاجی عمر افندی یه اطاله لسان ایلدیکی ثابت اولدیغندن برهفته حبسنه دعوی وکیلی علی رضا افندیکنک قوجه مصطفی باشا جامع شرینی مؤذنی حاجی علی افندی نی ضرب

وکتبه دن ابراهیم مظلوم افندیکنک ده مومی الیه رضا افندی نی جرح ایلدکری ثابت اولدیغندن رضا افندیکنک برهفته ومظلوم افندیکنک ایک آی حبسنه آغزلقجی بحرینک قهوه جی مصطفایک اموال منقوله سنه ایراث خسار ایلدیکی ثابت اولدیغندن اون دش بشلک جزای نقدی آلمسنه کوز تبه ده ساکن نور الدین ومجی الدین بکلرک کوشکنندن اشیا سرفت ایلدیکی ثابت اولان یعقوبک درت آی حبسنه وختام مدتنده ضابطه جه کفالتیه ریطنه در سعادت بک اوغلی واسکدار بدایت محکمه لری جزا دائره لرنبه قرار ویرلشدر .

الاعانات

نجات بحریه محکمه سنده :

مرجان چارشوسنده جامعشریف قبوسنده کی دکانده مقیم کاوسله تجارتندن نیقولای قاولانک ۷ تشرین اول سنه ۳۱۹ تاریخندن اعتباراً اعلان افلاسنه ومصلح افلاسیه نک رؤیت وتسویه سی ضمنده اعضای محکمه دن عزتلومار قار افندیکنک زوزقمیسرودعوی وکیللرندن ظریف اوغلی فوطاک افندیکنک موقت سندیک تعینلریه ومغازه سیله اشیا زانده بیتیه سنک تمهیریه واوراق ودفاترینک جلبیه وبوبایدکی قرارک موقه اجرا سنه محکمه تجارت بحریه جه قرارورلمش اولدیغندن قانوننامه تجارتک ۱۷۰ نجی ماده سی موجبجه دائمی سندیکر انتخاب اولنق اوزره اشبو تشرین اولک یکر می ایکنجی چهارشنه کونی ساعت یدی راده لرنده اصحاب مطلوبک محکمه مذکورده نک افلاس اوطه سنه کلری اعلان اولتور .

مناسرت بایات محکمه سی حقوق دائره سنده :

مناسرت قضاسنه تابع نفس رسنه قصبه سنده ساکن تجارتدن پاندونا عوم میلوشک درمنی قریه لی اولوب الیوم اقامتکاهی مجهول بولنان دولت علیه تبعه سندن متره ولبان ذمتنده آله جتی اولان بیک درتیوز اوتوزغروشک تحصیلی حقدده مناسرت بدایت محکمه سی حقوق دائره سنده اقامه ایلدیکی دعوان طولانی اصوله توفیقاً اعلان صورتیه وقوعبولان تبلیغات اجابت ایتمدیکنه منی غیاباً جریان ایدن محاکمه نتیجه سنده مبلغ مذکورک مع مصارفی محاکمه مرقوم متره ولباندن تحصیلنه دایر لاحق اولان ۱ حیزران سنه ۳۱۹ تاریخ وقرقش نومرولی بر قطعه اعلامک صورت مصدقه سی اصول محاکمه حقوقیه قانونک یوز قرق طقوزنجی ماده سنک فقره اخیریه سی موجبجه قریه مذکورده

مختارینه تبلیغ ایدلیکنی متضمن علم و خبر اخذ اوله رق و دیگر برنسخه سی دخی ماده مذکوره حکمه توفیقاً کندوسنه تبلیغ ایداش عد اولتی اوزره محکمه دیوانخانه سنه تعایق اولندیغی اعلان اولنور .

اسکیشهر قضای تجارت محکمه سنه :

اسکیشهرده مقیم یورغانچی زاده اسماعیل افندیکنک ۲۰ تشرین اول سنه ۳۱۹ تاریخدن اعتباراً اعلان افلاسنه و مصالح افلاسیه سنک رؤیت و تسویه سی ضمتده اعضای محکمه دن رفعتلو تنوقلی افندیکنک ژور قومیسر و دعوی وکیللرندن حاجی امین و سیمون افندیلرک موقت سنیدیک تعینلرینه و مغازه سیله اشیا زائده بیتیه سنک تمهیرینه و اوراق و دفاترینک جلبنه و کندوسنک کفالت ارانه ایده مدیکی حالد توقیفنه و بوبابده کی قرارک موقه اجراسنه اسکیشهر تجارت محکمه سندن قرار ویرلمش اولدیغندن قانوننامه تجارتک ۱۷۰ نجی ماده سی موجبجه دائمی سنیدیکلر انتخاب اولتیق اوزره [۲۰ تشرین اول سنه ۳۱۹] بازار ایرتسی کونی ساعت یدی راده لرنده اصحاب مطلوبک محکمه مذکوره نك افلاس اوطه سنه کلری اعلان اولنور .

بصره و رابتی مرکز تجارت محکمه سنه :

بصره ده مقیم اولوب ذخیره تجارتیه مشغول اولان حاجی سبهان بن عبیدک ۸ ایلول سنه ۳۱۹ تاریخندن اعتباراً اعلان افلاسنه و مصالح افلاسیه نك رؤیت و تسویه سی ضمتده اعضای محکمه دن حسقیل کارحک ژور قومیسر و آلاجلولردن عزتلو منشی متلون افندیلرک موقت سنیدیک تعینلرینه و موجوداتیه اشیا زائده بیتیه سنک تمهیرینه و اوراق و دفاترینک جلبنه و کفالت ویره مدیکی تقدیرده حبس توقیفنه و بوبابده کی قرارک موقه اجراسنه و قانون تجارتک ۱۷۰ نجی ماده سی موجبجه دائمی سنیدیک انتخاب اولتیق اوزره تاریخ اعلاندن اون بش کون ظرفنده اصحاب مطلوبک بصره تجارت محکمه سنک افلاس اوطه سنه کلری اعلان اولنور .

در سعادت تجارت محکمه سی اجرا داره سنه :

قارنیک سروبیان افندیکنک متوفی قفا فیان اوسب افدی ذمتده ایکنجی محکمه تجارت اعلامیه محکوم به ارلان آلاجه نك تسویه سی ایچون متوفای مرقومک مالی اولوب بلاطده اسکله باشنده کاش معطل فابریقه ده وقاسم باشاده بالموجبی دکرمانی نامیه معروف دکرمانک آلت قاتنده و خزینه تعین اولنور محله

موجود و محجوز بولان اوتورتمه قطار و استمبوط ماکنه سی و تقرعانی و بیجی و طورنه دستکاهلری و آلات و ادوات سائر و خرده باقر و تیمور و ساجلرک فروختی مقرر اولدیغندن اشیا مزبوره دن مذکور دکرمان دروننده موجود اولانلری اشترایه طالب بولانلرک اشبو تشرین اول رومینک اوتوزنجی پنجشنبه کونی ساعت بشدن سکزه قدر ذکر اولنان دکرمان بیشکاهنده و مذکور فابریقه ده موجود بولان اشیا اشترایه طالب اولانلرک دخی شهر مذکورک اوتوز برنجی جمعه کونی ساعت بشدن سکزه قدر مذکور فابریقه بیشکاهنده مأموری مواجهه سننده حاضر بولنلری و دهها زیاده معلومات آلق ایستیانلرک ایم و اوقات مذکوره دن اول محکمه تجارت اجرا داره سنه مراجعت ایللری اعلان اولنور .

اعلامات نظامیه اجرا داره سنه :

احمد رشدی افندیکنک عارف بک ذمتده با اعلام نظامی الاجنی اولان مبالغه مقابل مرهون و فروختی محکوم بولنان منکنه و نور عثمانیه جاده لرنده واقع تخمیناً ایکویز اوتوز ایکی آرشون عرصه اوزرینه مبنی کارکیر اوله رق درت قاتدن عبارت اون اوطه و اوچ صوفه و بر مطبخ و برکیلا و برقیو و مرمر دوشه لی حولی و بر بودرومی و آلتنده ایکی باب دکانی و مشتملات سائره سی حاوی اولوب مجموعی شهری یکرمی درت بیجی مجیدیه ایجار کتورر اوتوز درت نومرولی خانه و دکانلرک ثلثان حصه لری علی الاصول التمش برکون اجرا قلنان مزایده نتیجه سننده لیرای عثمانی یوز غروش حسابیه اون اتی بیک غروشده طالبی عهده سنده تقرر ایدرک موقه قرار داده سی کشیده قلنمش اولدیغندن مذکور خانه و دکانلرک ثلثان حصه لرینه یوزده بش ضمیمه بوندن زیاده به طالب اولنلرک بی ایچهلرله برابر تاریخ اعلاندن اعتباراً اوتوز برکونه قدر در سعادت اعلامات نظامیه اجرا داره سنه مراجعت ایللری اعلان اولنور .

سیمونک عزتلو حسن فرید افندی ذمتده با اعلام محکوم به الاجنی اولان مبالغت تأمین استیفا سیچون مدیون مومی الیهک حجز آلتنه الهه رق فروختی قرارلشدر بلان «تعیه مسئله لری» نامیه المانجه دن مترجم و معارف نظارت جلیله سنک ۱۱ اغستوس سنه ۳۱۵ تاریخلی و ۳۱۴ نومرولی رخصتنامه سی حائر اولوب کتابة مخصوص صغیر ایکی بیک کسور خریطه نك اشبو شهر حال رومینک اون التنجی پنجشنبه کونی باب عالی جوارنده اقدام مطبعه سنک بولندیغی محله فروخته

تثبت اولنه جنی در سعادت اعلامات نظامیه اجرا داره سنندن اعلان اولنور .

بک اوغلی بدایت محکمه سی اجرا داره سنه :

اوخانس فرنکیان افندیکنک بک اوغلی بدایت محکمه سی برنجی حقوق داره سنک ۷ اغستوس سنه ۳۱۹ تاریخلی اعلامی موجبجه فخری بک افندی زاده علی کامران بک ذمتده محکوم به آلاجه اولان مبالغه معلومه نك تسویه سی ضمتده مدیون مومی الیهک عهده تصرفده اولوب داین مومی الیه نامنه فراغ بالوفا صورتیه مرهون بولنان غلطه ده عرب جامع شریفی محله سننده قلفات یری زقاغنده کاش یکدیگرینه متصل برچانی آلتنده عرضاً اون ذراع اون پارمق و طولاً اون اوچ آرشون اوچ پارمق که تخمیناً یوز اوتوز بش آرشون اوزرینه کارکیر اوله رق مبنی و شهری ایکویز الی غروش اجرته ایجارده بولنوب فوقده درت اوطه بی مشتمل اولان التمش اتی نومروایله مرقم بر باب قهوه خانه ایله شهری الی غروشه ایجار اولنمش التمش سکز نومرولی توتونجی دکانک وارنبود قریه سننده آیاتوفری زقاغنده کاش بهری عرضاً سکز آرشون سکز پارمق طولاً اون اتی آرشون کلدی الحساب یوز یکرمیشر آرشون مقداری عرصه اوزرینه برچانی آلتنده مبنی و ایکی قانده بر مطبخ و کیر و صغیر بش اوطه و ایکی صوفه و قیوی مشتمل و شهری طقوزر مجیدیه اجرته ایجارده بولنان و هر برینک آرقه جهتده یوز یکرمیشر ذراع مقداری باغچه سی حاوی و بر طرفی قاووجی آرتین اغا منزلی و بر طرفی زنوبنت حاجی طودوری عرصه سی و بر طرفی مدیون مومی الیه کامران بک عرصه سی طرف رابی آیاتوفری زقاغله محدود قرق نومروایله مرقم ایکی باب اخشاب خانه ایله ایکی و اوتوز اوچ نومرولرله مرقم یدی یوز ذراعی حاوی و بر طرفی مومی الیه کامران بک اقامت ایده کلدیکی خانه و باغچه دیوارینک نهایته قدر تمتد اوله رق آطلی دیمتری زقاغی و بر طرفی قاووجی آرتین منزلی و بعضاً سالف الذکر قرق نومرولی ایکی باب خانه باغچه لری و طرف رابی آیاتوفری زقاغله محدود برقطعه عرصه تاریخ اعلاندن اعتباراً اون بش کون صکره بالمزایده فروخت اوله جفندن طالب اولانلرک و دهها زیاده معلومات آلق ایستیانلرک بک اوغلی بدایت محکمه سی اجرا داره سننه مراجعت ایللری اعلان اولنور .